

Terjun, gimnastik bermandi emas

TERJUN dan gimnastik menjadi penyumbang terbesar pingat emas buat kontinen negara pada Sukan SEA Ke-29 apabila masing-masing memenangi 13 pingat emas secara keseluruhannya.

Berikut adalah acara yang bukan sahaja menjadi lubuk emas kepada Malaysia tetapi juga menjadi tumpuan di sepanjang temasya dwitahunan itu berlangsung.

1. PENCAK SILAT

■ Silat mempamerkan pencapaian cemerlang apabila muncul juara keseluruhan setelah mengumpul 10 emas, dua perak dan empat gangsa.

■ Sukan itu melepas sasaran lapan emas yang diletakkan oleh Majlis Sukan Negara (MSN) dan merupakan antara pencapaian terbaik di pentas Sukan SEA.

■ Nama-nama seperti Al Jufferi Jamari, Siti Rahmah Nasir, Razak Ghazali, Fauzi Khalid, Robial Sobri dan Siti Shazwana



Ajak menjadi penyumbang pingat emas buat Malaysia.

2. BOLING

■ Boling merupakan sukan penyumbang tetap pingat emas buat kontinen Malaysia.

■ Pungutan tujuh emas, empat perak dan tiga gangsa menyamai pencapaian yang pernah skuad negara lakukan sewaktu temasya 1999 di Brunei dan 2001 di Kuala Lumpur.

■ Muhammad Rafiq Ismail dan Shalin Zulkifli muncul pemain paling menyinar, setelah kedua-dua pemain berkenaan mengungguli acara *masters* pada hari terakhir pertandingan.

3. LUNCUR AIS

■ Malaysia menutup aksi menerusi sukan luncur ais yang menjelaskan tiga tambahan pingat emas pada hari terakhir Sukan SEA Ke-29.

■ Secara keseluruhan atlet-atlet luncur ais menyumbang lima pingat emas buat kontinen negara.


■ Luncur ais julung kali diadakan pada Sukan SEA dan menerima sambutan baik daripada orang ramai yang datang menyaksikan pertandingan di Empire City, Damansara Perdana.

4. RAGBI

■ Skuad ragbi mencipta sejarah terbesar pada penyertaan Sukan SEA apabila meraih emas buat kali pertama menerusi pasukan lelaki tujuh sepasukan.



FARAH ANN
ABDUL HADI



PANDEELA RINONG (kanan) dan Gabriel Gilbert meraih pingat emas acara terjun berpasukan pada Sukan SEA Ke-29 di Pusat Akuatik Nasional Bukit Jalil di Kuala Lumpur.

■ Turut mencipta sejarah ialah skuad wanita yang buat kali pertama berjaya meraih pingat apabila memenangi gangsa.

■ Malaysia melakukan persediaan rapi menjelang Sukan SEA Ke-29 apabila berkesempatan mendapatkan bimbingan bekas pemain All Black, Edwin Cocker ketika berlatih di New Zealand.

5. BERBASIKAL

■ Sukan berbasikal mencapai sasaran yang ditetapkan MSN apabila menggondol 13 emas.

■ Malaysia menurunkan barisan terkuat dengan juara dunia keirin, Azizulhasni Awang turut beraksi pada Sukan SEA kali ini.

■ Pingat ke-111 juga hadir daripada sukan berbasikal, apabila Azizulhasni menjuarai acara 200 meter pecut.

6. TERJUN

■ Skuad terjun menyapu bersih 13 pingat emas yang ditawarkan pada Sukan SEA kali ini.

■ Dengan menampilkan penerjun bertaraf dunia seperti Cheong Jun Hoong, Pandelela Rinong dan Ooi Tze Liang, skuad negara tidak berdepan masalah mendominasi sukan tersebut.

■ Terjun antara sukan yang menjadi penyumbang terbesar pingat emas untuk kontinen Malaysia.

7. GIMNASTIK

■ Seperti terjun, skuad gimnastik turut menyumbang 13 pingat emas untuk kontinen negara.

■ Bagi gimnastik artistik, atlet negara membawa pulang lima emas, tiga perak dan dua gangsa manakala gimrama cemerlang dengan lapan emas serta lima perak.

■ Gimnas, Koi Sie Yan tampil atlet paling menyeronah setelah meraih empat pingat emas.

8. OLAHRAGA

■ Skuad olahraga pada temasya kali ini mempamerkan perubahan ketara, setelah beberapa edisi yang lalu hanya aksi hambar mengiringi atlet-atlet Malaysia.

■ Dengan lapan emas, lapan perak, sembilan gangsa dimenangi pada Sukan SEA Ke-29, peningkatan ketara dapat dilihat setelah hanya tiga emas, dua perak, sembilan gangsa di Singapura.

■ Paling menggembirakan ialah pingat emas daripada Khairul Hafiz Jantan menerusi acara 100 meter, setelah kali terakhir Malaysia berbuat demikian pada 2003 melalui Nazmizan Muhammad.

9. BOLA JARING

■ Skuad bola jaring juga menceriakan kem Malaysia setelah berjaya membala dendam ke atas seteru ketat Singapura dalam perlawanan akhir.

■ Kejayaan sensasi itu turut menyaksikan penjaring Malaysia, An Najwa Azizan berjaya meraih populariti dan perhatian daripada rakyat Malaysia.

■ Di bawah bimbingan jurulatih kelahiran Australia, Tracy Robinson, skuad kebangsaan mempamerkan persembahan mantap sepanjang Sukan SEA.

10. BOLA SEPAK

■ Sekalipun hanya menjelmakan pingat perak, kejayaan Harimau Muda

melangkah ke perlawanan akhir menentang Thailand wajar dipuji.

■ Memulakan aksi dengan tidak diletakkan harapan tinggi, skuad bimbingan Datuk Ong Kim Swee itu mempamerkan prestasi baik setelah hanya tewas sekali iaitu kepada Thailand pada final.


■ Penyerang, N. Thanabalan, pemain yang paling mendapat perhatian dalam kalangan peminat bola sepak tempatan setelah meledakkan empat gol untuk Harimau Muda.

11. BOLING PADANG

■ Satu lagi sukan yang cemerlang dengan 7 emas, 1 perak pada temasya kali ini.

■ Boling padang yang memberi rasa pemain bertaraf dunia, tidak pernah menghamparkan dengan kilauan pingat emas buat Malaysia.

■ Aksi pada temasya kali ini merupakan yang terbaik daripada skuad boling padang dan mereka juga melepas sasaran empat emas yang diletakkan MSN.



AZIZULHASNI AWANG membantu skuad basikal negara memenangi 13 emas.